

Also gehe am newen Jarstag cor Leonis vnder Morgens zwischen 9. vnd 10. vnd Sinister pes Orionis den 1. 11. Septemb. zu mittag vmb 11. vhr.

### Das XXXI. Capitel.

Wie lang oder wievil Stund ein jeder Stern ober oder auch vnderhalb dem Erdboden bleib.

**D**ies ist also zu erfahren. Nuck das Berlin in dem vordern theil des Quadranten auff den Stern/ vnd fahr damit auff die Lini A. D. inn derselbigen besihe ich was für ein Stund durch den Faden mit dem Berlin abgeschnitten werde: dan so ich von der Morgenstund einer/die er antrifft / bis auff die Abendstund zehle / so hab ich die Stund/ wie lang der Stern oberhalb dem Erdreich bleib: subtrahir ich solche Stund von 24. so zeigt die überbleibende zal an/ wie lang er vnder der Erden verharre.

Als der 20. Stern an der Zal/ cor scorpion genant / felt mit seinem Berlin auff die 4. oder 8. Stund: darumb weilt von 8. vhr Frü bis Abends 4. vhr 8. Stund seind / sag ich/ daß er acht stund oberhalb dem Erdboden/ vnd 16. vnderhalb bleibe. Gehet nun diser Stern Nachts vñ 12. vhr auff/ wie im Merken geschicht / so bleib er über der Erden bis vmb 8 vhr gegen Tag.

Also Cor Leonis, der 13. an der Zal / felle mit seinem Berlin auff die 5. vnd 7. Stund: von 5. vhr frü bis sibne zu

¶ iij

Abend